

NON-PROFIT BYLAWS
OF
ST. MARY ZOMI CATHOLIC COMMUNITY TN

THU MASA

Hih sunga thukhun tepen Tennessee State I Nonprofit Corporation Act leh Article of Incorporation of Corporatio/Organization Act bulphut a thukhun kibawl ahihi. Kawl kumpi simmawh bawlsiatna hang hi ta leh zawn leh ngau, an duh gilkial na leh khan toh ding lunggulh na hang ahizong in lono na zuan in Amarica gam – Nashville atung Zomi Catholic te khat leh khat Pasian thu sungah tha ki pia in tuu cing khat, tuu huang khat sungah pianpih Zokam tawh biakpiakna, Topa phat khop theihna ding leh nop ni dahni te ah khat leh khat vaai ki puak pih tek zawh na ding lunggulh na tawh Nashville tung masa Zomi Catholic thuzuite in na han ciam to to uh aa; tua ngimna tu in Topa in hong tangtun pih in St. Mary Myanmar Zomi Catholic Community ki phuan khia aa; Hih ki pawlna sungah thuzui te theih ding leh zuh ding thu khun pawl khat anuai aa bang in ki bawl hi.

Khenpi - 1
KIPAWLNA MIN LE PUAM (Name)

Hih kipawlna in Tennessee kumpi theipih kipawlna ahih mah bangin a min **St. Mary Myanmar Zomi Catholic Community** in kiciamteh hi.

Khenpi - 2
NGIMNA TUPNA BULPITE (Vision and Mission)
Tupnate – (Vision)

1. Tennessee state sung aa om Zomi Catholic thuzui ten nuamtak in Pasian phat khawm theih nangh.
2. Pasian deihna leh Topa Zeisu ong hilh lungdamna thutawh ki tuak in nungta khua sak zawh nangh.
3. Pasian thu sungah khat leh khat tha ki piak ban ah leitung nuntak khuasak na te ah zong khat leh khat ki panpih zawh nangh.

4. Pawlpi mi; mimal khat ciat Christu sungah unau sanggam bang in nun tak khop zawh nangh.

Sepnate :- (Mission)

1. Pasion ni siangtho ni te ah Missa/Dry Mass tawh biakpiak khopna.
2. Pawlpi mi te baangkua sungah BEC kikhop neih pihna.
3. Kha tha lak na ding in Thusinna – Seminar leh Pasion thu lungngaihna – Retreat neih pihna.
4. Pawlpi mi te haksat dongh tuah hun leh a diak diak in sihna a tuah hun ciangh khat leh khat ki panpih, tha kipia in ki hehnep pihna.
5. Pawlpi ngimna te a tangtun zawh na ding phattuumna hong pia thei ki pawlna tuamtuum te tawh ki zom a kihel theihna.
6. Pawlpi mi te in Sacramentu tawh ki sai Pasion hehpihna thuphate a san theihna ding in panpihna.

Khenpi - 3 **ZUM (Offices)**

Hih kipawlna I phualpi/zumpi omna mun ding pen hih anuai aa, kigelh mun hipah hi.

5108 Countryside Drive
Antioch, TN 37013
USA

Hih kipawlna in a mun leh ahun tawh kizui in kispna om bangin mundang ah zong zum khen tuamtuum neithehi hi.

Khenpi 4 **KIPAWLNA NEIHSA TAWH KISAI (Dedication of Assets)**

Hih kipawlna I neihsa van a hi a, zat dinga kipia van leh sum le paaite khempeuh pen mimal a hia, kipawlna ahi zongin metbawl leh hamphatna ding ngimna tawh kizang theilo hi. A nengkai ahi a, a tawm a tam cih omlo in kipawlna mimal a lianpen pan a neupen dong in mimal phattuumna ding in zang theilo ding hi.

KHENPI – 4

Pawlmi suahna (Membership bill)

1. Kipawlna mi suahna

- (a) Tennessee state sung aa teeng Zomi, Catholic thuzui hi ding.
- (b) Pawlpi thukhun te zui ning ci – in a thu kim mi hi ding.

2. Kipawlna mi cing taak khat suahna. (Full membership)

- (a) Pawlpi member form te leh ii belh biak inn te member form te fill-up in pawlpi sungah ki ap ding.
- (b) Pawlpi Foundation fund **USD 100** tawh kipawlna lut mi hi dingh.
- (c) Pasion upna leh Muan na tawh pawlpi panpihna Sehsuah, Building Fund leh Siampi Ginna te tawh kumkhat sung in a tawm pen **Tul leh zanga (\$1200)**ki helna nei hamtang ding hi.
- (d) Zomi Catholic innkuan te-in Parish khat pepeuh ah ki-ap hamtang ding hi.
- (e) Pawlpi sung ah Nauno khat peuh a nei thak ii om aa leh man lang tak in zasak pah in Tuisawpna Sacramentu sang pah ding.
- (f) Gamdang khat peuhpan Tennessee sung ah hong tung thak in Pawlpi sung ah ah hong ki puulak mi /inn kuan khat peuh pen hong tuni pan ki sim in **kha (6) sung** full member ki ciam teh ding aa, State dang pan a ong pem ahih leh kha (3) sung full member in ki ciamteh ding hi.

3. Kipawlna mi cingtaak (Full membership) khat ngah ding hamphatna

- (a) A hun zui in leh ama deih hun in a inn ah inn thunget sam thei in, a dongh tuak hun in pawl sum \$ 2,000.00 ciang leitawi thei ding hi.
- (b) Kum (18) acin khit nak leh pawlpi upa ki telna ah ki hel theih ban ah vote pia theiding hi.
- (c) Pawlpi khan tohna ding in kam kup pihna leh ngaihsut hoih piak nate nei thei ding hi.
- (d) Zum vai leh vai hak sa khat peuh ah Pawlpi huhna leh panpihna alunggulh leh ngen thei ding hi.
- (e) Sihna man na khat aneih leh **\$5,000** tawh sihgahna ki nei ding hi. Ahi zong in ama luang tungtang ah sum bei khempeuh hih \$ 5000 sung

pan ki zang ding aa, zat val ah om leh inntee te kiang ki pia kik ding hi.

- (f) A luanghawm lei ah a ki tuh dong thu leh la ki vaan pih, ki panpih ding hi.
- (g) Kipawlna in Siampi kiasap sak in Missa khat vei ki nget sak ding hi.
- (h) A sih ni pan handal ni dong pawlpi in hehnepna leh thungetsak na neihpih ding hi.
- (i) Pawlpi mi khat nai 24 val zato alup leh **USD 50** tawh nat vehna ki nei ding hi.
- (j) Nu leh Pa, sanggam laizom, innkuan pih tanu tapa khat peuh in sihna manna khat aneih leh siatvatna **USD 100.00** ki nei dinghi.
- (k) Nausuak khat peuh a om leh nau et na **USD 50** tawh ki nei ding hi.
- (l) Nu gil sung pan Kha (4) tung siah apha sa nauno khat nausiatna a tuak khak leh **USD 500** tawh siatvatna ki nei dinghi.
- (m) Nashville khua sung ah a siangtho kitenna sacramentu Missa sungah a san uh leh pawlpi min tawh lungdampihna **USD 200** ki nei ding hi.
- (n) Inn la thak khat a om leh **USD 50** tawh lungdam pih na ki nei ding hi.
- (o) Kipawlna mintawh sep leh bawlna ah liam leh baina hangin zato tung ah om leh **USD 50** tawh ki veh ding hi.

4. Full membership aa lut lo te

- (a) Kipawlna i foundation sum 100 leh sehsuah tawh ki **pawl lo** khempeuh pawlmi in ki ciam teh ding aa, Full membership in ki ciam teh lo ding hi.
- (b) Kum khat sung (**\$ 1,200**) a cingin akhia lote Full membership in ki ciam teh lo ding hi.

5. Full membership luutlo te ngah theih hamphatna


- (a) A deih hun in a inn ah inn thunget (BEC) kikhop sam thei ding hi.
- (b) Pawlpi biakpiakna ah (Nipi sial) biakpiakna aki bang in pia khawm thei ding hi.
- (c) Sacramentu tawh ki sai ngah ding hamphatna khem peuh zong ngah thei ding huhna a kiasap leh ngen thei hi.

- (d) Zum vai leh vai hak sa khat peuh ah Pawlpi huhna leh panpihna alunggulh leh ngen thei ding hi.
- (e) Sihna manna a neih leh a luanghawm lei ah a ki tuh dong thu leh la ki vaan pih, ki panpih ding in paakkual \$ 150 man ki vaihawm sak dinga, ahi zong in **USD 5,000** tawh sihgahna ki **neilo** ding hi.
- (f) Siampi kisap sak in Missa khat vei ki nget sak ding hi.
- (g) A sih ni pan handal ni dong pawlpi in hehnepna leh thungetsak na neihpih ding hi.
- (h) Nai 24 val zato alup leh thungetsak na leh thungetna tawh ki panpih ding aa, ahizong in **USD 50** tawh nat vehna ki **neilo** ding hi.
- (i) Nu leh Pa, sanggam laizom, innkuan pih te khat peuh in sihna manna khat aneih leh hehnep tutpihna ki nei ding aa siatvatna **USD 100 ki neilo** dinghi.
- (j) Nausuak khat peuh a om leh naumin phuah thungetna leh nau ap na(tuisawpna) ki neih sak ding aa, ahizong in nau et na **USD 50** tawh ki **neilod** ding hi.
- (k) Nashville khua sung ah a siangtho ki tenna sacramentu a san uh leh pawlpi min tawh ahi thei zah in ki uap ding aa, ahi zong in lungdampihna **USD 200 ki neilo** ding hi.
- (l) Inn la thak khat a om leh inn thupha piak na leh biakna vai teng ah ki pan pih ding aa, ahizong in **USD 50** tawh lungdam pih na ki **neilo** ding hi.

6. Ong tungthak leh ong kituah te

- (a) Mundang khat peuh pan hong lal nuam te pi a kul leh kipi dinga pi a kul lote innkuan khat \$ 200 ahih kei leh \$ 200 tawh ki kim van tawh vai muak na ki nei ding a single ahih leh \$ 100/100 tawh kikim van tawh ki vai muak ding hi..
- (b) A kul leh aki sap na dung zui in thu leh la te a ki pan zum vai te pawlpi in pan pih ding hi.

Khenpi 5 KIPAWLNA INNPI (Structure of the Organization)



Khenpi - 6 SIAPA (Executive Director)

1. Executive Diorector panmun Topa ahih kei leh Siapa in len den dinga a mi a kikhel kei buang a leh kilaih ngeilo dinghi.
2. Executive Director I nasep:
 - (a) Biakpiakna hunbawlina te ah makaih ding.
 - (b) Pasion thuhilhna – Seminar leh Pasion thu lungngaihna te neih pih in makaih ding.
 - (c) Tungsiah tawh ki zopna ah thuzekpipa tawh kop in mawh puak nei ding.
 - (d) Kipawlina makai te tawh kamkum in na sem ding.
 - (e) Kipawlina vaai tawh ki sai sum zat na khat peuh aom ciangh thuzekpipa tungtawn in sum laiatpi kiang ah ngen ding.
 - (f) Pawlpi sum ngahna leh zatna khempeuh theih pih in letmat thuh ding.
 - (g) Ahun zui in pawlpi mi te kiang ah thungetsak na nei pih ding.
 - (h) Saramentu san theih nangh vai hawm pih ding. (Gentehna ; Tuisawpna, ki teenenna, Christma hanthotna etc.)
 - (i) Catholic pawlpi doctrine tawh ki makaih theih nangh panpih ding.
 - (j) Pawlpi mite vai tuamtuum kisap nate ah ahih theih zah in appointment taipih ding hi.

- (k) Appointment te ah Siapa alem kei leh ama'tang aa atai ding aman hong zonsak ding aa Pawlpi in \$ 30 tawh cialding hi.
- 3. Executive Director pen kipawlina in kilawm kituak asak na bangin noptuam (Compensation) pia ding hi.
- 4. A kulna leh kisapna ombangin kumkhat in a tampen thumvei (3) Emergency meeting sam thei ding.

Khenpi - 7
THUDOTPI TE (Board Members)

1. Mimal phazah leh hihna :-

- (a) Thudotpi pen a tampen in sagih (7) hiding a, ahi zongin 5 sangin tawmzaw lo hamtang ding hi.
- (b) Kipawlina I ngimna leh tupna bulpita a pom Sacramentu tawh a kipelh lo mi hiding hi.
- (c) Kipawlina ah a tawmpen termkhat peuhmah panmun len ngei mi hiding hi.
- (d) Thudotpi ding pen kum 35 pan a tungsiah hi hamtang dinghi.

2. Thudotpote nasep :-

- (a) Siapa inn thunget, dammawh veh leh BEC kikhopna te ah zuiden ding hi.
- (b) Pawlpi nasepna khatpeuh a om ciangin kihel hamtang ding hi.
- (c) Kumkhat in a tawmpen pawlpi kumlang leh kumbei meeting kah hamtang ding hi.
- (d) Pawlpi sum zatna project khat ah tulnih (\$1000) sangin a tamzaw leh amau vote tawh thukhen ding uhhi.
- (e) Thukhun khek ding ahia, behlap ding a om ciangin amau vote tawh thukhen ding uhhi.
- (f) Pawlpi sungah buaina apiangsak zo ding thu nawngkai a om leh thudotpi a tamzaw thukimna tawh pawlpi Emergency meeting Kumkhat in nga vei (5) ciang sam thei hi.
- (g) Pawlpi sum lut leh sum zatna a hun zui in endikpi tetawh etkikna neithei ding uhhi.
- (h) Kipawlina thukhun nuai ah kipia zattawm ding cihloh thaman kipia loding hi.
- (i) Kumcin pawlpi tanupi ding kitelna ah makaih ding uhhi.
- (j) Nipi ni kikhop sim in hospitality ong sepsak ding hi.

3. Thudotpi kitelna:

- (a) Thudotpi kitel hunding pen Pawlpi tanupi kitel khit ciang tanupi thak te'n in tel ding hi.
 - (b) Thudotpi sephun I a lang cinma in thudotpi khat peuh in omlohna, khawlna leh sep zawhlohna a neih leh mithak kiguang ding aa, sephun I a lang cinkhit ahih leh mithak kiguang nawnlo ding hi.
4. **Thudotpi semhun:** Thudotpi sephun pen a kitelni pan simtoh kumnih sung hiding hi.
5. **Panmun ki sehna:** Thudotpitem sungah makaiding khat amau leh amau kitel dinga, pawlpi sumzatnate ah a kulbangan suaikai ding hi.

Khenpi - 8 **TANUPITE (Secretaries)**

1. Mimal phazah leh hihna :-

- (a) Mimal Sawm le khat hiden ding hi.
- (b) Kipawlna mi te lakpan siangtho pumpi a sang thei; sacramentu tawh a ki pelh lo mi, Pawlpi thu limtak a thei mi, full member khat hi ding aa, pawlpi nasep na ah lunglut tak leh lawptak in aki hel nuam mi hi ding.
- (c) A tawm pen kum 18 pha ham tang ding, Pasion thu hahkat mi, pawlpi it in a vei mi, a tha tang, ahun te piakkhia zo ningh ci in Pasion a ding in a kizo sa mi hi ding hi.
- (d) Nuu le Paa vai ah pau ban na neilo in ki teenna sacramentu a sang khin sa te hi ding hi.

2. Tanupite sepding hun :-

- (a) Kipawlna makaih ding te teel cing in a om leh term khat ciang kum 2 ta sem ding hi.
- (b) Term bei ki teel kik ciang mipi in a teel leh term khat sem suak thei laiding hi.
- (c) Term bei ma in a ma ut thu tawh khawl/ sihna manna/ state dang ah lal cih bang in a om khak leh Assistant ten a ma pan mun tua term bei dong mawh puak la suak ding hi. Ama pan mun Assistant panmun kiteel to kik pah ding hi.

3. Ki teel dan ding :-

- (a) December kha I kaal nunung pen nipi ni-in kiteelna kinei ding hi.

- (b) Kum 18 tung siah bek in teel cing meetang khat pia thei dinga, a ma dei pen suak ta tak in teel thei ding hi.
- (c) Panmun neisa mi khat peuh vai hamsat na lianpi nei in a panmun a khawl san nop leh Board ah laiphah ding hi.
- (d) Panmun ki-ap ni in abei sa hun sunga pawlpi neihsa van a ki pan sum ngahna leh zatna te pulaak khia in kiteel zawh Nipi masa pen Ni in pan mun luah thak te tung ah ap na ki nei ding hi.
- (e) Panmun ki-ap ni mateng a luiteng mah in makaih laiding a, vaithupi a om leh Thudotpi te'n makaih ding hi.


4. Pawlpi Thuzekpi nasep :- (General Secretary)

- (a) Pawlpikem Siapa leh Tanupite tawh kamkum masa in zingvaai hawm khawm aa; meeting sam ding.
- (b) Meeting khat peuh aom ciangh chairman sem in makaih ding.
- (c) Pawlpi sum ngahna leh zatna khempeuh theih pih ding.
- (d) Pawlpi khan tohna ding Sia leh tanupite tawh kop in han ciam ding.
- (e) Sia pa hih theih lo hun khualzin gam vaak, ci na luna, manlah in aom ciang biak piak na makaih ding.
- (f) Siapa leh tanupite tawh kop in ahun zui in pawlpi te inn ah tha pia in thu ngetsak nate ah ki hel ding.
- (g) Meeting khat peuh ah thu khensat ding hamsat hun ciang khensat na pia thei ding.
- (h) BEC kikhop hunte ah thunget makai ding she ding hi.

5. Pawlpi Thuzekpi huh nasep: (Assistant General Secretary)

- (a) Thuzekpipa tawh kop in na sem khawm ding.
- (b) Term beinai lo pi in Thuzekpipa din khawl, khual gam la zin na khat aneih khak leh ama mun ah panmun la ding.
- (c) A zenzen in Thuzekpipa/khawl in a om leh Thuzekpipa huhpa in Thuzekpipa dinmun la ding aa; a ma panmun masa Thuzekpipa huh panmun pen Thuzekpipa panmun a ngah zawh kha khat sung in ki tel to pah ding hi.
- (d) Thuzekpipa meeting ah hong ki hel theih loh hun ciang Thuzekpi mun la ding.
- (e) Meeting khat peuh a om ciang thu khentat nate limtak ciam te'h ding.

- (f) A bei sa meeting dungzui in thukhensat sa a ki sem nai lo a om leh pulaak in khensat na thak khat la kik ding.
- (g) Pawllutna leh minsan na tawh ki sai leh pawlpi sung lailut leh pusuak teng file ah hoih tak in kem cing ding.
- (h) Pawlpi activities khem peuh ciam teh ding.
- (i) Pawlpi vaai ah sumzatna khat peuh a om leh thuzekpi tungtawn in sumkempa kiang ngen ding.
- (j) Pawlpi neih lai thupi (documents) te leh pawlpi biizu te kem ding.
- (k) Nipi kikhop hunte ah thunget makai ding leh Laisiangtho simding se'h ding hi.



Pawlpi khan tohna ding leh thuzui te phattuamna ding lam et na tawh kul leh kisam bangin ki pawlna neu neu te Siapa leh Thudotpite thu kimna tawh phuan khia thei hi.

1. Sum Lai at Tanupi nasep:-

- (a) Pawlpi sumngahna leh zatna khempeuh laibu sungah hoihtak in ciam the ding.
- (a) Pawlpi sum ngahna khempeuh lai at pa tung ki ap ma sa ding hi.
- (b) Pawlpi sum/sehsuah khempeuh a ki ngah ni mah in pawlpi mi sung pan a tawm pen nih tawh sim khawm in, tua ni mah in sum kem pa tung appah ding hi.

- (c) Mundang khat peuhpan pawlpi min tawh van zat hong pia in pawlpi aa ding in zat theih dan ding in a om kei leh sum suah in pawlpi sum lu suaksak ding.
- (d) Khasial meeting leh kumcin meeting te ah sumngah leh zatna te pulaak den ding.
- (e) Pawlpi vai in Sum zat na khempeuh ah sum piak ma in Voucher ngen den ding.

2. Sumkem Tanupi nasep:-

- (a) Sum Lai-at Tanupi theih pih lo in sum pek khat zong pia khia lo ding.
- (a) Pawlpi sum aki ap masa sa bank ah koih pah pah ding.
- (b) Kumcin ki-ap ciangin sum a cin kei leh loh ding hi.

3. Endikpi Nasep:-

- (a) Kha I kaal masa kiginni (Saturday) ni in sumlut leh sum zatna etdikna nei den ding hi.
- (b) Sum lai-at leh sumkem te ciaptehma ah lemna/lemlohna a om leh Thuzekpi zasak dinga, Thuzekpi in a siansak zawh kei leh Thudotpi te, Siapa tung cih dan in a ban in puak to ding hi.
- (c) Kum khat in a tawmpen nihvei, kumlang meeting ma leh kumcin meeting ma in Nupin te leh Khangnote sum lut leh zatna endik dinga, a kism bangin atunga thu om dan in puak to ding hi.

4. Nupi kipawlina (Women Ministry)

- (a) Nupi ki pawlna Kilam zia :-
 - Women Secretary
 - Asst. Women Secretary
 - Treasurer
- (b) Nupi ki pawl na min tawh sep khiat ding leh maban khempeuh Thuzekpi leh Siapa tawh kop in geel khawm ding.
- (c) Biakinn sungah naupang kep leh Naupangte Pasion thusinna ah makaih ding hi.
- (d) Sep leh bawl sumlut sum zatna khempeuh kumlang leh kumcin report nei ding hi.

(e) Biakinn zep leh paaksuan semding hi.

5. Khangno kipawlina (Youth Ministry)

(a) Khangno ki pawlna Kilam zia :-

- Youth Secretary
- Asst. Youth Secretary
- Treasurer

(b) Khangno ki pawl na min tawh sep khiat ding leh maban khempeuh Thuzekpi leh Siapa tawh tawh kop in geel khawm ding.

(c) Music vante limtak kem in kikhop hunte ah la makaih ding hi.

(d) Sep leh bawl sumlut sum zatna khempeuh kumlang leh kumcin report nei ding hi.

KHENPI - 10

Thukhun laihna leh Meeting paizia ding

1. Thudotpi Meeting

(a) Siapa ahih kei leh thudotpi makai in thudotpote Emergency meeting samthei hi.

(b) Siapa in a Thudotpote meeting a sap leh makaih pah dinga, thudotpi makai in a sapleh a mahmah in makaih pah ding hi. A mausung pan a muanpen khat un thu kikup nate ciamteh ding hi.

(c) Thudotpote meeting ah Siapa leh Thuzekpi kuppih ding in sam thei dinga, vote theilo ding hi.

(d) Thukhun puah ding leh sum tulkhat (1000) sang a tawmzaw zat nading a om leh Thudotpote tungah kipuak toding hi.

(e) Thudotpote meeting ah a khentat thute uh Siapa tungah puakto ding aa, Siapa in lem a sak leh kitem khia pan ding hi. Siapa in lem a sak kei leh thudotpote tungah puak kik ding hi.

(f) Thudotpote meeting kah a tamzaw thukimna kikip sak ding aa, vote a kikum leh meeting kahlo te thukim in kiciamteh ding hi.

2. Tanupite Meeting

(a) Tanupite Emergency meeting Siapa leh Thuzekpi in a kikap leh samthei dinga, a samte in meeting makaih pah ding hi.

- (b) Tanupite meetingah, Siapa leh Thudotpite kuppih dingin sam thei dinga, vote theilo ding uhhi.
- (c) Tanupite meeting tuamtuamte ah agenda ding Tanupite in Thuzekpi tungah meeting ma-in puak ding uha, tua tawh kizui in Thuzekpi in meeting makaih ding hi.
- (d) Tanupite meetinga khentat thute Thudotpite tungah kipuak to dinga, lem a sak uh leh Siapa tungah puakto pah ding uhhi. Lem a sak loh uh a om leh ni sagih (7) sungin Tanupite tungah puak kik ding uh hi.
- (e) Tanupi sawm leh khat (11) te lakpan meeting kah lo a om leh thukim cin ki ciamteh ding hi.

3. Tanute Meeting

- (a) Nupi kipawlina, Khangno kipawlina, Building Fund kipawlina, Siampi gina, leh Vankem te in a mau kisapna zui-in meeting neithe i ding uha, meeting khentatna te Thuzekpi tungah puakto ding uhhi.

4. Pawlpi bup meeting

- (b) Pawi ni thupi te leh na lianpi khatpeuh seppak ding a om cingin Siapa leh Thuzekpi in pawlpi bup meeting sam thei ding hi.
- (c) Kum lang leh kumcin meetingte ah Thuzekpi in Pawlpi bup meeting sam thei ding hi.
- (d) Pawlpi bup meetingah meeting kah a tamzaw thukimna kikip sak ding hi.

KHENPI – 11 **THU TUAMTUAM**

1. Zin leh leng dona vai:

- (a) Kawlgam pan leh Gamdang pan in hong zin te Nashville pan a zinkik na'ng lam saap kisik ding hi.
- (b) Tulpipa ahieh leh Lovegift \$200 leh Missa ngetna \$50 hiding hi.
- (c) Siampi ahieh leh Lovegift \$100 leh Missa ngetna \$ 50 hiding hi.
- (d) Brothers / Decons leh sia ahieh leh Lovegift \$100 hiding hi.

2. Mundang State dang pan a ong zinte.

- (a) Zomi Catholic thuzui mi khat peuh Nashville ah khual hong ong zin khat peuh in tuahsiatna a tuah leh athu ala buaipih in zato aha puak ding.
- (b) Pawlpi min tawh pawlpi mi te tung huhna ngen in ngah zah zah tawh panpih ding.
- (a) Sihna manna atuak khak leh a thu ala van pih in aluanghaiw Nashville ah tuh akul leh thu le la ah pawlpi min tawh panpih theih zah in ki pan pih ding hi.
- (b) A teenna state ah puak akul leh Nashville khua pan khua dang khat atun zawh nangh in a ki sam bang in thu le la ah pawlpi min tawh panpih theih zah in ki pan pih ding hi.

3. Genvai a tuamtuum:

- (a) Mat leh hen leh Nat leh Sat vai in Innkuan sung ah khat bek nasem omte a nasem pen khathum (3) sang a tamzaw sep zawhloh leh septheih lohna nei in inn sung zing vaihawmna te ah hamsat na a tuah leh pawlpi inn kuan khat ciangh \$100 ta ki dongh in ki panpih ding hi.
- (b) Full member khat peuh in bangkua sung ki tangsapna khat peuh aneih leh(US sungbek) kumkhat in pawlpi sum atam pen \$2000.00 ciangh leitawi thei ding aa, ahi zongin a leitawi sa a loh kik pah leh a leitawi zawh khathum (ni 90) khit te'h leitawi kik thei ding hi.
- (c) Pawlpi sum leitawi nuam te in Thuzekpi tungah zasak masa ding a, Thudotpite leh Siapa in lem a sak leh leitawi kipia pan dinga, a theihpih ding in pawlpi mikhat tawh pai ding hi.
- (d) Sum lei tawi Nu/Pa in a lei tawi ni aki pan Ni 180 sung in loh khin ham tang ding hi. A zenzen in Ni 180 sung a loh zawh kei leh Ni 180 ki sottoh sak beh ding hi.
- (e) Sum leitawi Nu/Pa khat in a kumkhat sung in a loh zawh kei leh Thudotpite leh Siapa khentatna bangin ki kalsuan ding hi.
- (f) Pawlpi leiba tawh ki sai in sumsik ding pen Sum laiat Tanupi hi ding aa, a zom ah akul leh Thuzek pipa leh Thudotpite in zong tavuan nei ding hi.

- (g) Mi khat peuh in pawlpi sum a leitawi sa a loh kik nop kei leh mailam ah pawlpi sum cik mah in ki leitawi kik nawnlo ding aa, amau inn kuan in cimawh dong tuah khat tuak in pawlpi sung ah sum tang tawh huhna ih ki don sak ding hong nget leh khak tan in ki don sak lo ding hi.
- (h) A hi zong in Pawlpi sum leitawi ong dip kik ni aa ki pan tua khak tan na ki hon sak kik ding hi.
- (a) Sum kem pa in Committee theih pih loh in a ma thu tawh mi khat peuh sum a leitawi in tua Nu/pa in loh kik lo in a om leh sum kem in tua a ki leitawi sum teng lohsak ding hi.
- (b) Pawlpi sum emergency fund tul 5,000 sim loh a dang tul 5,000 aval leh bek pawlpi sum lei tawi ki pia pan ding hi.

6. Pawlpi pua lam pan huhnget na tawh ki sai

- (a) Pawlpi pulam pan thulu tuamtuam tawh huhnget nalai, ahih zong in ngetna message khat peuh aom leh Thuzekpi in Tanupite meeting ah pulaak ma saphot ding aa, tua khit ciang bek in huh zawh ding leh huh zawh loh ding khentat nate Thudotpi tung ah puakto in tuan pan in Siapa lemsak natawh kipia khia pan ding.
- (b) Siapa leh Thudotpite theih pih loh in kua mah in pawlpi sung leh pawlpi pualam ah pawlpi mintawh huhna pia theilo ngen theilo ding.
- (c) Diocese level or (Bishop theihpihna tawh), gambup level leh minam level kipawlna tetung pan huh ngetna tebek pawlpi mintawh ki ngaihsut sak ding hi.
- (d) Parish level, kipawlna khat level leh khua khat level huh ngetna te pen mimal hanciamna zui in panpihna ki dongsak ding a, pawlpi in ki vaihawm sak loding hi.

4. Pawlpi van kawm vai

- (a) Mikhat peuh in pawlpi van kawm / zang in a siat sak leh a thak in loh kik ding hi.
- (b) Pawlpi van khat peuh a kawm nuam aa om leh Thuzekpi theisak in ama phalna tawh vankem Tanute tung la pan dinga, van a zat khit phet in pawlpi van kem pa kiang ah ap kik pah ding hi.

(c) Pawlpi van khat pepeuh pen pawlpi vai leh pawlpi mi khempeuh in kawm theih bek ding hi.

KHENPI - 11
KUM SIMNA (FISCAL YEAR)

1. Kipawlna I kum simna pen **January 1** ah kipan pah dinga, **December 31** in bei ding hi.
2. Kumkhat in nihvei May kha kaal tawpna leh December kaal tawpna sim in sepsate etphat na leh pulakna ki nei dending hi.

ARTICLE - 15
KIPAWLNA SEAL LEH LAITHUPITE

Executive Director bek in akulna leh ksapna bangin kipawlna seal zang/laih thei ding hi. Zumvai leh kumpi thukhun I a kalhna te lobuang kipawlna seal a kitup lohangin thu khentatna te kiplo sak tuanlo ding hi.


CERTIFICATE OF General Secretary

Keimah **Philip Khai** hih a tunga thukhun laimai **16** pen Tanupite, Thudotpite leh Siapa tawh kipsak in ni sawmnih, Theino sihkha kum 2020 ni in bawlkhia in ka kipsak uhhi.

EXECUTED on this **Twentieth day of January, 2020** in the County of **Davidson** in the State of **Tennessee**.

(Duly Elected General Secretary)

Note: Sum zekna tawk kisai Diagram



Meeting paidan Diagram

